

亦不於法而有錯亂是爲菩薩摩訶薩第二
妙光明大三昧善巧智

大方廣佛華嚴經卷第四十

愛十

那伽變此云龍本行集經釋佛爲龍者世間有時此那伽常在定慧無不定法界如太

士末

師子奮迅疾爲二事故一奮都塵土二能前走捷疾亦爾一奮除障礙南無或云曩那伽於東生行失時故智過南無云曩亦翻信從

大方廣佛華嚴經卷第四十一

育

于闐國三藏沙門實叉難陀譯

十定品第二十七之二

佛子云何爲菩薩摩訶薩次第徧往諸佛國土神通三昧佛子此菩薩摩訶薩過於東方無數世界復過尔所世界微塵數世界於彼

諸世界中入此三昧或刹那入或須臾入或相續入或日初分時入或日中分時入或日後分時入或夜初分時入或夜中分時入或夜後分時入或一日入或五日入或半月入或一月入或一年入或百年入或千年入或百千年入或億年入或百千億年入或百千那由他億年入或一劫入或百劫入或百千劫入或百千那由他億劫入或無數劫入或無量劫入或無邊劫入或無等劫入或不可數劫入或不可稱劫入或不可思劫入或不可量劫入或不可說劫入或不可說劫入若久若近若法若時種種不同菩薩於彼不生分別心無染著不作二不作不二不作普不作別雖離此分別而以神通方便從三昧起於一切法不忘不失至於究竟譬如日天子周行照曜晝夜不住日出名晝日沒名夜晝亦不生夜亦不滅菩薩摩訶薩於無數世界入神通三昧入三昧已明見尔所無

數世界亦復如是佛子是爲菩薩摩訶薩第
三次第徧往諸佛國土神通大三昧善巧智
佛子云何爲菩薩摩訶薩清淨深心行三昧
佛子此菩薩摩訶薩知諸佛身數等衆生見
無量佛過阿僧祇世界微塵數於彼一一諸
如來所以一切種種妙香而作供養以一切
種種妙華而作供養以一切種種蓋大如阿
僧祇佛刹而作供養以超過一切世界一切
上妙莊嚴具而作供養散一切種種寶而作
供養以一切種種莊嚴具莊嚴經行處而作
供養以一切無數上妙摩尼寶藏而作供養
以佛神力所流出過諸天上味飲食而作供
養一切佛刹種種上妙諸供養具能以神力
普皆攝取而作供養於彼一一諸如來所恭
敬尊重頭頂禮敬舉身布地請問佛法讚佛
平等稱揚諸佛廣大功德入於諸佛所入大
悲得佛平等無礙之力於一念頃一切佛所
勤求妙法然於諸佛出興於世入般涅槃如

育一

是之相皆無所得如散動心了別所緣心起
不知何所緣起心滅不知何所緣滅此菩薩
摩訶薩亦復如是終不分別如來出世及涅
槃相佛子如日中陽燄不從雲生不從池生
不處於陸不住於水非有非無非善非惡非
清非濁不堪飲漱不可穢汙非有體非無體
非有味非無味以因緣故而現水相爲識所
了遠望似水而興水想近之則無水想自滅
此菩薩摩訶薩亦復如是不得如來出興於
世及涅槃相諸佛有相及以無相皆是想心
之所分別佛子此三昧名爲清淨深心行菩
薩摩訶薩於此三昧入已而起起已不失譬
如有人從睡得寤憶所夢事覺時雖無夢中境
界而能憶念心不忘失菩薩摩訶薩亦復如
是入於三昧見佛聞法從定而起憶持不忘
而以此法開曉一切道場衆會莊嚴一切諸
佛國土無量義趣悉得明達一切法門皆亦
清淨然大智炬長諸佛種無畏具足辯才不

竭開示演說甚深法藏是爲菩薩摩訶薩第
四清淨深心行大三昧善巧智佛子云何爲
菩薩摩訶薩知過去莊嚴藏三昧佛子此菩
薩摩訶薩能知過去諸佛出現所謂劫次第
中諸刹次第刹次第中諸劫次第劫次第中
諸佛出現次第佛出現次第中說法次第說

一

三

法次第中諸心樂次第心樂次第中諸根次
第根次第中調伏次第調伏次第中諸佛壽
命次第壽命次第中知億那由他年歲數量
次第佛子此菩薩摩訶薩得如是無邊次第
智故則知過去諸佛則知過去諸刹則知過
去法門則知過去諸劫則知過去諸法則知
過去諸心則知過去諸解則知過去諸衆生
則知過去諸煩惱則知過去諸儀式則知過
去諸清淨佛子此三昧名過去清淨藏於一
念中能入百劫能入千劫能入百千劫能入
百千億那由他劫能入無數劫能入無量劫
能入無邊劫能入無等劫能入不可數劫能

入不可稱劫能入不可思劫能入不可量劫
能入不可說劫能入不可說不可說劫佛子
彼菩薩摩訶薩入此三昧不滅現在不緣過
去佛子彼菩薩摩訶薩從此三昧起於如來
所受十種不可思議灌頂法亦得亦清淨亦
成就亦入亦證亦滿亦持平等了知三輪清
淨何等爲十一者辯不違義二者說法無盡
三者訓詞無失四者樂說不斷五者心無恐
畏六者語必誠實七者衆生所依八者救脫
三界九者善根最勝十者調御妙法佛子此
是十種灌頂法若菩薩入此三昧從三昧起
無間則得如歌羅邏入胎藏時於一念間識
則託生菩薩摩訶薩亦復如是從此定起於
如來所一念則得此十種法佛子是名菩薩
摩訶薩第五知過去莊嚴藏大三昧善巧智
佛子云何爲菩薩摩訶薩智光明藏三昧佛
子彼菩薩摩訶薩住此三昧能知未來一切
世界一切劫中所有諸佛若已說若未說若

已授記若未授記種種名号各各不同所謂無數名無量名無邊名無等名不可數名不可稱名不可思名不可思名不可量名不可說名當出現於世當利益衆生當作法王當興佛事當說福利當讚善義當說白分義當淨治諸惡當安住功德當開示第一義諦當入灌頂位

育一

四

當成一切智彼諸如來修圓滿行發圓滿願入圓滿智有圓滿衆備圓滿莊嚴集圓滿功德悟圓滿法得圓滿果具圓滿相成圓滿覺彼諸如來名姓種族方便善巧神通變化成熟衆生入般涅槃如是一切皆悉了知此菩薩於一念中能入一劫百劫千劫百

千億那由他劫入闍浮提微塵數劫入四天下微塵數劫入小千世界微塵數劫入中千世界微塵數劫入大千世界微塵數劫入佛刹微塵數劫入百千佛刹微塵數劫入百千億那由他佛刹微塵數劫入無數佛刹微塵數劫入無量佛刹微塵數劫入無邊佛刹微塵數劫入無等佛刹微塵數劫入不可數佛利微塵數劫入不可稱佛刹微塵數劫入不可思佛刹微塵數劫入不可量佛刹微塵數劫入不可說佛刹微塵數劫入不可說佛刹微塵數劫入不可說佛刹微塵數劫如是未來一切世界所有劫數能以智慧皆悉了知以了知故其心復入十種持門何者爲十所謂入佛持故得不可說佛刹微塵數諸佛護念入法持故得十種陀羅尼光明無盡辯才入行持故出生圓滿殊勝諸願入力持故無能映蔽無能摧伏入智持故所行佛法無有障礙入大悲持故轉於不退清淨法輪入差別善巧句持故轉

育一

五

一切文字輪淨一切法門地入師子受生法持故開法關鑰出欲淤泥入智力持故修菩薩行常不休息入善友力持故令無邊衆生普得清淨入無住力持故入不可說不可說廣大劫入法力持故以無礙方便智知一切法自性清淨佛子菩薩摩訶薩住此三昧已

善巧住不可說不可說劫善巧住不可說不可說刹善巧知不可說不可說種種衆生善巧知不可說不可說衆生異相善巧知不可說不可說同異業報善巧知不可說不可說精進諸根習氣相續差別諸行善巧知不可說不可說無量染淨種種思惟善巧知不可說不可說法種種義無量文字演說言辭善巧知不可說不可說種種佛出現種族時節現相說法施爲佛事入般涅槃善巧知不可說不可說無邊智慧門善巧知不可說一切神通無量變現佛子譬如日出世間所有村營城邑宮殿星宅山澤鳥獸樹林華果如是一切種種諸物有目之人悉得明見佛子日光平等無有分別而能令目見種種佛此大三昧亦復如是體性平等無有分別能令菩薩知不可說不可說百千億那由他差別之相佛子此菩薩摩訶薩如是了知時令諸衆生得十種不空何等爲十一者見不

空令諸衆生生善根故二者聞不空令諸衆生得成熟故三者同住不空令諸衆生心調伏故四者發起不空令諸衆生如言而作通達一切諸法義故五者行不空令無邊世界皆清淨故六者親近不空於不可說不可說佛刹諸如來所斷不可說不可說衆生疑故七者願不空隨所念衆生令作勝供養成就諸願故八者善巧法不空皆令得住無礙解脫清淨智故九者兩法兩不空於不可說不可說諸根衆生中方便開示一切智行令住佛道故十者出現不空現無邊相令一切衆生皆蒙照故佛子菩薩摩訶薩住此三昧得

育一
六
阿

十種不空時諸天王衆皆來頂禮諸龍王衆與大香雲諸夜叉王頂禮其足阿脩羅王恭敬供養迦樓羅王前後圍繞諸梵天王悉來勸請緊那羅王摩睺羅伽王咸共稱讚乾闥婆王常來親近諸人王衆承事供養佛子是爲菩薩摩訶薩第六智光明藏大三昧善巧

智佛子云何爲菩薩摩訶薩了知一切世界佛莊嚴三昧佛子此三昧何故名了知一切世界佛莊嚴佛子菩薩摩訶薩住此三昧能次第入東方世界能次第入南方世界西方北方四維上下所有世界悉亦如是能次第入皆見諸佛出興於世亦見彼佛一切神力

亦見諸佛所有遊戲亦見諸佛廣大威德亦見諸佛最勝自在亦見諸佛大師子吼亦見諸佛所修諸行亦見諸佛種種莊嚴亦見諸佛神足變化亦見諸佛衆會雲集衆會清淨衆會廣大衆會一相衆會多相衆會處所衆會居止衆會成熟衆會調伏衆會威德如是一切悉皆明見亦見衆會其量大小等閻浮提亦見衆會等四天下亦見衆會等小千界亦見衆會等中千界亦見衆會量等三千大千世界亦見衆會充滿七千億那由他佛刹亦見衆會充滿阿僧祇佛刹亦見衆會充滿百佛刹微塵數佛刹亦見衆會充滿千佛刹

卷一

七

行

微塵數佛刹亦見衆會充滿百千億那由他佛刹微塵數佛刹亦見衆會充滿無數佛刹數佛刹亦見衆會充滿無邊佛刹微塵數佛刹亦見衆會充滿無等佛刹微塵數佛刹亦見衆會充滿不可數佛刹微塵數佛刹亦見衆會充滿不可思佛刹微塵數佛刹亦見衆會充滿不可量佛刹微塵數佛刹亦見衆會充滿不可說佛刹微塵數佛刹亦見衆會充滿不可說佛刹微塵數佛刹亦見衆會充滿不可說佛刹微塵數佛刹亦見諸佛於彼衆會道場中示現種種相種種時種種國土種種變化種種神通種種莊嚴種種自在種種形量種種事業菩薩摩訶薩亦見自身往彼衆會亦自見身在彼說法亦自見身受持佛語亦自見身善知緣起亦自見身住虛空亦自見身住於法身亦自見身不生染著亦自見身不住分別亦自見身無有疲

倦亦自見身普入諸智亦自見身普知諸義亦自見身普入諸地亦自見身普入諸趣亦自見身普知方便亦自見身普住佛前亦自見身普入諸力亦自見身普入真如亦自見身普入無諱亦自見身普入諸法如是見時不分別國土不分別衆生不分別佛不分別法不執著身不執著身業不執著心不執著意等言如諸法不分別自性不分別音聲而自性不捨名字不滅菩薩摩訶薩亦復如是不捨於行隨世所作而於此二無所執著佛子菩薩摩訶薩見佛無量光色無量形相圓滿成就平等清淨一一現前分明證了或見佛身種種光明或見佛身圓光一尋或見佛身如盛日色或見佛身微妙光色或見佛身作清淨色或見佛身作黃金色或見佛身作金剛色或見佛身作紺青色或見佛身作無邊色或見佛身作大青摩尼寶色或見佛身其量七肘或見佛身其量八肘或見佛身其量

古

八

方

九肘或見佛身其量十肘或見佛身二十肘量或見佛身三十肘量如是乃至一百肘量一千肘量或見佛身一俱盧舍量或見佛身半由旬量或見佛身一由旬量或見佛身十由旬量或見佛身百由旬量或見佛身千由旬量或見佛身百千由旬量或見佛身闍浮提量或見佛身四天下量或見佛身小千界量或見佛身中千界量或見佛身大千界量或見佛身百大千世界量或見佛身千大千世界量或見佛身百千大千世界量或見佛身千大千世界量或見佛身百千大千世界量或見佛身百千億那由他大千世界量或見佛身無數大千世界量或見佛身無量大千世界量或見佛身無邊大千世界量或見佛身無等大千世界量或見佛身不可數大千世界量或見佛身不可稱大千世界量或見佛身不可思大千世界量或見佛身不可量大千世界量或見佛身不可說大千世界量或見佛身不可說大千世界量佛子菩薩如

是見諸如來無量色相無量形狀無量示現無量光明無量光明網其光分量等於法界於法界中無所不照普令發起無上智慧又見佛身無有染著無有障礙上妙清淨佛子菩薩如是見於佛身而如來身不增不減譬如虛空於蟲所食芥子孔中亦不減小於無

有
一

六

數世界中亦不增廣其諸佛身亦復如是見大之時亦無所增見小之時亦無所減佛子譬如月輪闍浮提人見其形小而亦不減月中住者見其形大而亦不增菩薩摩訶薩亦復如是住此三昧隨其心樂見諸佛身種種化相言辭演法受持不忘而如來身不增不減佛子譬如衆生命終之後將受生時不離於心所見清淨菩薩摩訶薩亦復如是不離於此甚深三昧所見清淨佛子菩薩摩訶薩住此三昧成就十種速疾法何者爲十所謂速增諸行圓滿大願速以法光照耀世間速以方便轉於法輪度脫衆生速隨衆生業示

現諸佛清淨國土速以平等智趣入十力速與一切如來同住速以大慈力摧破魔軍斷衆生疑令生歡喜速隨勝解示現神變速以種種妙法言辭淨諸世間佛子此菩薩摩訶薩復得十種法印印一切法何等爲十一者同去來今一切諸佛平等善根二者同諸如來得無邊際智慧法身三者同諸如來住不二法四者同諸如來觀察三世無量境界皆悉平等五者同諸如來得了達法界無礙境界六者同諸如來成就十力所行無礙七者同諸如來永絕二行住無諍法八者同諸如來教化衆生恒不止息九者同諸如來於智善巧義善巧中能善觀察十者同諸如來與一切佛平等無二佛子若菩薩摩訶薩成就此了知一切世界佛莊嚴大三昧善巧方便門是無師者不由他教自入一切佛法故是丈夫者能開悟一切衆生故是清淨者知心性本淨故是第一者能度脫一切世間故是

安慰者能開曉一切衆生故是安住者未住佛種性者令得住故是真實知者入一切智門故是無異想者所言無二故是住法藏者誓願了知一切佛法故是能雨法雨者隨衆生心樂悉令充足故佛子譬如帝釋於頂髻中置摩尼寶以寶力故威光轉盛其釋天王

音一
十

初獲此寶則得十法出過一切三十三天何等爲十一者色相二者形體三者示現四者眷屬五者資具六者音聲七者神通八者自在九者慧解十者智用如是十種悉過一切三十三天菩薩摩訶薩亦復如是初始獲得此三昧時則得十種廣大智藏何等爲十一者照耀一切佛利智二者知一切衆生受生智三者普作三世變化智四者普入一切佛身智五者通達一切佛法智六者普攝一切淨法智七者普令一切衆生入法身智八者現見一切法普眼清淨智九者一切自在到於彼岸智十者安住一切廣大法普盡無餘

智佛子菩薩摩訶薩住此三昧復得十種最清淨威德身何等爲十一者爲照耀不可說不可說世界故放不可說不可說光明輪二者爲令世界咸清淨故放不可說不可說無量色相光明輪三者爲調伏衆生故放不可說不可說光明輪四者爲親近一切諸佛故化作不可說不可說身五者爲承事供養一切諸佛故兩不可說不可說種種殊妙香華雲六者爲承事供養一切佛及調伏一切衆生故於一一毛孔中化作不可說不可說種種音樂七者爲成熟衆生故現不可說不可說種種無量自在神變八者爲於十方種種名號一切佛所請問法故一步超過不可說不可說世界九者爲令一切衆生見聞之者皆不空故現不可說不可說種種無量清淨色相身無能見頂十者爲與衆生開示無量秘密法故發不可說不可說音聲語言佛子菩薩摩訶薩得此十種最清淨威德身已能

令衆生得十種圓滿何等爲十一者能令衆生得見於佛二者能令衆生深信於佛三者能令衆生聽聞於法四者能令衆生知有佛世界五者能令衆生見佛神變六者能令衆生念所集業七者能令衆生定心圓滿八者能令衆生入佛清淨九者能令衆生發菩提心十者能令衆生圓滿佛智佛子菩薩摩訶薩令衆生得十種圓滿已復爲衆生作十種佛事何等爲十所謂以音聲作佛事爲成熟衆生故以色形作佛事爲調伏衆生故以憶念作佛事爲清淨衆生故以震動世界作佛事爲令衆生離惡趣故以方便覺悟作佛事

生故以示般涅槃作佛事知諸衆生起疲厭故佛子是爲菩薩摩訶薩第七了知一切世界佛莊嚴大三昧善巧智

大方廣佛華嚴經卷第四十一

十二

飲漱所救穢汙汙上於廢切下烏故切得寤五故切羅邏羅箇灌
須古玩映蔽蔽袂袂切袂關鑰上古通切下以均切淤泥依俗紺責古暗切

七肘涉九於蟲直弓疲獸音皮

湖洲路烏提縣賈澤山祖塔村化城寺僧如詮施長財入南山普寧寺大藏經寫
刊造大藏真經卷所集功德主
先考方西金身弟
先妣陳氏九娘子俱題

至元十七年四月一日

璽

大方廣佛華嚴經卷第四十二 章一

于闐國二藏沙門實叉難陀譯

十定品第二十七之三

佛子云何爲菩薩摩訶薩一切衆生差別身三昧佛子菩薩摩訶薩住此三昧得十種無所著何者爲十所謂於一切剎無所著於一生住勝願故以成正等覺作佛事爲令衆生知幻法故以轉妙法輪作佛事爲衆說法不失時故以現住壽命作佛事爲調伏一切衆